

Gvangjsih Minzcuz Bau

Cawjguenj: Gvangjsih Bouxcuengh Swcigh Minzcuz Cunghgyau Swvu Veijyenzei Cawjbanh: Gvangjsih Minzcuz Bause Geiz neix 8 banj
广西民族报 Aenhauh okbanj: CN45-0036 B.2022 Nd.5 Ng.25 Liggaueq nyaemyzin nienz ndwenseiq ngeihhaj Geizsoq: Gungh daih 3525 geiz

Siz Ginbingz Hoiz Saenq Yienqmienx Boux Yozcej Bouxcoz Louzhag Dauq Guek Nanzgingh Dayoz

习近平回信勉励南京大学留学归国青年学者

Sinhvazse Baeking 5 nyied 19 hauh dien Cunghung Cunghyangh cungsuhi, guekgya cujsiz, Cunghyangh Ginhvej cujsiz Siz Ginbingz 5 nyied 18 hauh hoiz saenq hawj boux yozcej bouxcoz louzhag dauq guek Nanzgingh Dayoz, doiq gyoengqde miz maqmuengh lailai.

Siz Ginbingz youq ndaw hoizsaenq naeuz, rox gyoengqsou au Lij Sw'gvangh, Cwngz Gaihgyaz daengj gohyozgyah banlaux guh buengjiyengh, youq rogguek hag ndaej bonjsaeh le dauq guek guh gohgyau saehnieb, youq aen gangjvei bonjfaenh roengzrengz bauqdap guekcoj, fugsae

beksingq, aeundaej cingzcik lai, gou roxnyinh sim'angq dangqmaz. Youq mwh Nanzgingh Dayoz laebbaenz 120 hopbi neix, cukhoh caeuq camnai gyoengqsou dem lauxsae hagseng daengx hagdangz, gyoengq yauyouj!

Siz Ginbingz giengzdih, gyoengqsou youq ndaw saenq naeuz, seng bungz aen seizdaih hungmbwk dwg gij caijsaq ndei ciuhvunz, bouxcoz louzhag dauq guek au gvansim "saeh guekgya", rapdawz "cwzyin guekgya", doenghij vah neix gangj ndaej baenz. Maqmuengh gyoengq dungzci haenqrengz fatyienz gij cienzdoengj miznaj louzhag bauq-

dap guekgya, gagrox bauqdap guekgya, fugsae beksingq, dingjmaenh ganq vunz son vunz, doidoengh gohgi gaglaeb gaggiengz caiq cau cingzcik ndei, giendingh vwnzva gagsaenq, gangj ndei gojgaeq Cungguek daiqdaez cengguh, vih cienzmienh hwnqguh sevei cujyi yendaiva guekgya, saedyienh aen loqsiengj Cungguek Cunghvaz Minzcuz fukhwng hungmbwk ok rengz ok dungxcaiz!

Ndangonq Nanzgingh Dayoz dwg Sanhgyangh Swfhan Yozdangz 1902 nienz cauhaeb, 1950 nienz cingqsiq dinghmingz baenz Nanzgingh Dayoz, laebhag 120 bi doxdaeuj, buek

dem buek vunz louzhag dauq guek louz rizdin buekguh bauq guek vih beksingq roengzdaeuj youq Nanzgingh Dayoz, Lij Sw'gvangh, Cwngz Gaihgyaz daengj dwg boux daibyauj ndawde mizmingz. Mboengqneix, 120 boux daibyauj yozcej bouxcoz Cibbet Daih Dangj doxdaeuj daj rogguek hag ndaej bonjsaeh dauq guek daengz Nanzgingh Dayoz guhhong haenx raiz saenq hawj Siz Ginbingz cungsuhi, bauqlwnh gij cingzgyang sonsaw ganq vunz, gohyenz cauhoq daengj, gangjok gij gietsim gien-dingh fatyienz cienzdoengj ndei, rapdawz sawjmingh hawj guek giengzak.

Sanhgyangh:

Son Dinfwngz Dajcawj Bang Couhnieb

三江: 培训厨艺促就业

5 nyied 20 hauh, aen ban son "canghdajcawj byaek Gvangjdungh" Gvangjdungh Gvangjsih couhnieb gapdoi bangfuz · bang Mbanjdung saenqhwnng lajmbanj 2022 nienz youq Sanhgyangh Duncuz Swciyen Gujyiz Cin Nanzcan Segih banh, doenggvaq son lijn, hwnjdangz songuh, ndanggaeuq gag roengzfwngz lien daengj, son 30 boux vunz dieg buen senj hag dinfwngz dajcawj, gungh son 15 ngoenz, hawj vunz lai senj daeuj haenx miz dinfwngz youq ndang, mbouj yungh youheiq couhnieb.

(Gungh Bujangh ingj)



Vunz Gvangjsih Youz Gveigangj, Coicaenh Gak Minzcuz Doxgyau Doxbae-dauq Doxyungz "Sam Hangh Dajveh" Hozdung Youq Gangjbwz Gih Banh

广西人游贵港, 促进各民族交往交流交融“三项计划”活动在港北区举行

5 nyied 19 hauh, 2022 nienz Gveigangj Si "ngoenz gozci bozvuzgvanj 5·18" "ngoenz lijyouz Cungguek 5·19" "ndwen cienzdoh yisuz daengx biengz Gvangjsih 5·23" nem vunz Gvangjsih youz Gveigangj, coicaenh gak minzcuz doxgyau doxbae-dauq doxyungz "sam hangh dajveh" hozdung youq Gangjbwz Gih Gwnhcuz Cin aen suen vwnzcang rangh guhyienh saenqhwnng lajmbanj banh.

Ciuq cam rox, baez hozdung neix cujyau hopheux sam aen cawjdaez "rengz bozvuzgvanj" "roxnyinh Cunghvaz vwnzva yiengjsouh diuzroen gyaendei" caeuq "roen moq haenq-

guh baenaj", haenqrengz cau gij heiqaenh naekna gak minzcuz caezcaemh buekguh, caezcaemh hwnghat mwnhoengh, cungfaen fatok vwnzva hawj naengzliengh, dijuvz vih bek-singq, lijyouz daiqdoengh cozyung, hengzguh vwnzva swncienz, fatyienz seizdaih cingsaenz, cau gih vwnzyi cozbij maenhndei engq lai, daezhawj gunggungh vwnzva fuzvu engq cinj, doiok gij huq vwnzva dijuvz engq miz daegsaek, dajcauh lijyouz hwnghat yezdai yienghmoq.

Hozdung neiyungz lai, hingz sik lai, laeb miz bohlgw guh hozdung, ciet ndwenngoenz gyang doengh gyaendei daengj banjgvai, gangjok gij cauhoq,

seizhwng, bouxcoz, langhbaij huq lijyouz, huq vwnzcang caeuq gijgw ndei miz daegsaek, langhbaij gij gyaendei lajmbanj Gwnhcuz Cin vwnzlij doxhab. Youq hozdung yienhciegz, gak siusiq minzcuz ciengqgo diuqfoux, yienjok ndwenngoenz moq beksingq Gangjbwz Gih gyaendei vuenyungz, hawj bouxyawj roxnyinh gij yinxdaeuz daegbied gagmiz minzcuz vwnzva.

Baez hozdung neix lij fatbouh le cwngcwz bienzngeiz vwnzlij Gveigangj Si, neiyungz miz ginggih, nungzgyahloz, diemqlaeuj daengj dieg banhfap bienzngeiz. Gveigangj Si gungh miz 11 aen ginggih doiq

hekyouz daengx guek mbanj giz mbouj soucienz roxnaeuz mbawfei cei daemq bienzngeiz 2.5 cingz, Gveibingz Si doiok giyez gijgw dozninz hanhnged doxhwnj, dieg hei qci lijyouz singgaep, nungzgyahloz seiq singgaep doxhwnj sawjcienz boujdiep cwngcwz, Gangjbwz Gih au baenzroix banhfap bienzngeiz hawj doengh aen diemq guh gijgw caeuq dozninz, Bingznanz Yen doiok yungh mbawfei dij cienz hawj vunz bae diemq dozninz, gwnhaeux yungh, mbawfei gungh miz 25、30、50 maenz mbouj doxdoengz.

(Sinhvazse)